

重修博興縣志目錄

卷一

疆域志

縣圖

古縣圖

水道新圖

水道舊圖

沿革表

道里表

古蹟考

卷二

河渠志

麻大湖

會城坡

后子泊

錦秋湖

烏河

漢湊河

小清河

支脈溝

預備河

卷三

建置志

城池

鄉社附集

壇廟附

官署

學宮

倉庫

墩鋪

橋梁

局所

附

卷四

賦役志

地丁

鹽法

雜稅

卷五

博興縣志

目錄

四

甘肅通志

風土志 物產 民俗

卷六

典禮志 嘉禮五 吉禮八 軍禮一 賓禮三

卷七

爵封表 世職 附

卷八

秩官表 歷代 元 明 國朝

卷九

選舉表 歷代 明 國朝

卷十

官績志 歷代 明 國朝

卷十一

人物志 歷代 明 國朝 隱逸 藝術 流寓

卷十二

列女志 歷代 明 國朝

卷十三

雜誌 藝文 祥異 訂訛 存疑 撫遺

重修博興縣志卷十一

人物傳序

余讀舊史此邦人物如國子尼之德望孫叔敖之經術任彥昇以文學稱牛存節以忠武著博昌任氏之代有聞人五代衛氏之屢陟甲科有明以來熊張劉宋文章經濟卓立當時二顧相繼聯翩蔚起馳譽奕世以至魏基王纘躬逢革鼎希志肥遯甘箕穎於堯舜之世亦洵可楷式來哲增輝史冊者矣豈必借才異地而後稱快哉而舊志特以董永之故墓在今縣遂濫載倪牟歐陽諸儒而於樂安國淵故泊在今縣者反遺之不已過與今皆據舊史正之說詳敘例雜記中至士著之賢不當與宦績同例故或刪而不

存乃以徵所存之可信都人士其有以諒我夫凡一百四十七人
皆具其姓氏而題爲篇用防劓劓之增損

歷朝人物列傳

二任國淵列傳

任虢後漢人通志字子旗樂安博昌人守節勵行黃巾賊至聞旄
姓名曰鳳聞任子旗天下賢士禁勿入其鄉由是遠近聲聞州郡
並招舉孝廉歷酸棗祝阿令子昭先

國淵三國魏人三國志字子尼樂安蓋人也師事鄭元後與祁原
管寧等避亂遼東既還舊土太祖辟爲司空掾屬每於公朝論議
常直言正色退無私焉太祖欲廣置屯田使淵與其事淵屢陳損
益相土處民計民置吏明功課之法五年中倉廩豐實百姓競勸
樂業太祖征關中以淵爲居府長史統軍事田銀蒯伯反河間銀

等既破後有餘黨皆應伏法淵以爲未自惡請不行刑太祖從之
賴淵得生者千餘人破賊文書書以一爲十及淵上首級如其實
數太祖問其故淵曰夫征討外寇多其斬獲之數者欲以大武功
且示民聽也河間在封域之內銀等叛逆雖克捷有功淵竊恥之
太祖大悅遷魏郡太守時有投書誹謗者太祖疾之欲必知其主
淵請留其本書而不宣露其書參引二京賦淵敕功曹曰此郡既
大今在都輦而少學問者其簡開解年少欲遣就師功曹差三人
臨遣引見訓以所學未及二京賦博物之書也世人忽畧少有其
師可求能讀者從受之又密喻旨旬日得能讀者遂往受業吏因
請使作箋比方其書與投書人同手收攝案問具得情理遷太僕

居列卿位布衣蔬食祿賜散之故舊宗族以恭儉自守卒官

任嘏旣子三國志註嘏字昭先家故世族八歲喪母號泣不絕十
四始學羣書無不綜覽比居擅耕嘏地數十畝人以語嘏嘏曰我
自以借之耳耕者聞之慙謝還地邑中爭訟皆詣嘏質之其子弟
有不順者父兄竊數之曰汝所行豈可令任君知耶其禮教化民
率如此太祖召海內主德嘏應其舉爲臨淄侯庶子相國東魯屬
尙書郎文帝時爲黃門侍郎帝嘉其叔慎累遷東郡趙郡河東太
守所在化行嘏爲人純粹豈弟虛已若不足恭敬如有畏修身履
義皆沈默潛行不顯其美故時人少得稱之著書三十八篇凡萬
餘言

原书缺页

宜連鎮撫使人心有庇自非威望重臣有計畧者無以康西土也
帝曰誰可任者愷曰賈充其人也中書令庾純亦言之於是詔充
西鎮長安充用荀勗計得留充既爲帝所過欲專名勢而庾純張
華溫水向秀和嶠之徒皆與愷善楊珧王恂華廙等充所親敬於
是朋黨紛然帝知之召充愷宴於式乾殿而謂充等曰朝廷宜一
大臣當和充愷各拜謝而罷旣而充愷等以帝已知之而不責結
怨愈深外相崇重內甚不平或爲充謀曰愷總門下樞要得與上
親接宜啟令典選便得漸疎此一都令史事耳且九流難精閒隙
易乘充因稱愷才能宜在官人之職帝不之疑謂充舉得其才卽
日以愷爲吏部尙書加奉車都尉愷旣在尙書選舉公平盡心所

職然侍覲轉希充與荀勗馮紱乘閒浸潤謂愷豪侈用御食器充遣尙書右僕射高陽王珪奏愷遂免官有司收太官宰人檢覈是愷妻齊長公主得賜魏時御器也愷旣免而毀謗益至帝漸薄之然山濤明愷爲人通敏有智局舉爲河南尹坐賊發不獲又免官復遷光祿勳愷素有識鑒加以在公勤恪甚得朝野稱譽而賈充朋黨又諷有司奏愷與立進令劉友交關事下尙書愷對不伏尙書杜友廷尉劉良並公忠士也知愷爲充所抑欲申理之故遲留而未斷以是愷及友良皆免官愷旣失職乃縱酒耽樂極滋味以自奉養初何邵以公子奢侈每食必進四方珍饌愷乃踰之一食萬錢猶云無可下筭愷時因朝請帝或慰諭之愷初無復言惟

泌而已後起爲太僕轉太常初魏舒雖歷位郡守而未被任遇愷
爲侍中薦舒爲散騎常侍至是舒爲右光祿開府領司徒帝臨軒
使愷拜授舒雖以宏量寬簡爲稱時以愷有佐世器局而舒登三
公愷止守散卿莫不爲之憤歎也愷不得志竟以憂卒時年六十
一諡曰元子罕嗣罕字子倫幼有門風才望不及愷以淑行致稱
爲清平佳士歷黃門侍郎散騎常侍兗州刺史大鴻臚

孫益德魏書孫益德樂安人也其母爲人所害益德童幼爲母復
仇還家哭於殯以待縣官高祖文明太后以其幼而孝決又不逃
罪特免之及長郡辟中正辭不就

三任列傳

助子東里附

任遐齊人通志字景遠樂安博昌人少篤學業行誼純謹位御史中丞金紫光祿大夫

任遐齊人舊志兄遐位御史中丞金紫光祿大夫永明中以罪將徙裔荒遙代訴言淚交下齊武帝聞而哀之竟得免

任昉梁人梁書字彥昇樂安博昌人漢御史大夫敖之後也父遙齊中散大夫遙妻裴氏嘗晝寢夢有彩旗蓋四角懸鈴自天而墜其一鈴落入裴懷中心悸動既而有娠生昉身長七尺五寸初而好學早知名宋丹陽尹劉秉辟爲主簿時昉年十六以氣忤秉子久之爲奉朝請兖州秀才拜太常博士遷征北行參軍永明初衛將軍王儉領丹陽尹復引爲主簿儉雅欽重昉以爲當時無輩遷

司徒刑獄參軍事入爲尚書殿中郎轉司徒竟陵王記室參軍以
父憂去職性至孝居喪盡禮服闋續遭母憂常廬於墓側哭泣之
地草爲不生服除拜太子步兵校尉管東宮書記初齊明帝旣廢
鬱林王始爲侍中中書監驃騎大將軍開府儀同三司揚州刺史
錄尚書事封宣城郡公加兵五千使昉具表草其辭曰臣本庸才
智力淺短太祖高皇帝篤猶子之愛降家人之慈世祖武皇帝情
等布衣寄深同氣武皇大漸實奉詔旨雖自見之明庸近所蔽愚
夫一至偶識量已實不忍自固於綴衣之末拒違於玉几之側遂
荷顧托導揚末命雖嗣君棄常獲罪宜禋王室之亂職臣之由何
者親則東牟任惟博陸徒懷子孟社稷之對何救昌邑爭臣之譏

四海之議於何逃責陵土未乾訓誓在耳家國之事以至於斯非
臣之尤誰任其咎將何以肅拜高寢虔奉武園悼心失圖泣血待
旦寧容復微榮於家恥宴安於國危驃騎上將之元勲神州儀刑
之列岳尚書是稱司會中書實管王言且虛飾寵章委成禦侮臣
知不愜物誰謂宜但命輕鴻毛責重山岳存沒同歸毀譽一貫辭
一官不減身累增一職已黷朝經使當自同體國不爲飾讓至於
功均一匡賞同千室光宅近甸奄有全邦隕越爲期不敢聞命亦
願曲畱降鑒卽垂聽許鉅平之懇誠必涸永昌之丹慊獲申乃知
君子之道綽有餘裕荷曰易照敢守難奪帝惡其辭斥甚愠昉由
是終建武中位不過列校昉雅音屬文尤長載筆才思無窮當世

王公表奏莫不請焉昉起草卽成不加點竄沈約一代詞宗深所
推挹明帝崩遷中書侍郎永元末爲司徒右長史高祖克京邑霸
府初開以昉爲驃騎記室參軍始高祖與昉過竟陵王西邸從容
謂昉曰我登三府當以卿爲記室昉亦戲高祖曰我若登三事當
以卿爲騎兵謂高祖善騎也至是故引昉符昔言焉昉奉牋曰伏
承以今令辰肅膺典策德顯功高光副四海天生之倫庇身有地
况昉受教君子將二十年咳唾爲恩眄睐成飾小人懷惠顧知死
所肯承清宴屬有緒言提挈之旨形乎善謔豈謂多幸斯言不渝
雖情謬先覺而述淪驕餌湯沐具而非弔大厦構而相驩明公道
冠二儀勳冠遠古將使伊周奉轡桓文扶轡神功無紀化物何稱

府朝初建俊賢驤首惟此魚目唐突璵璠顧已循涯實知塵芥千載一逢再遭難答雖則隕越且知非報梁臺建禪讓文詰多助所具高祖踐阼拜黃門侍郎遷吏部郎中尋以本官掌著作天監二年出爲義興太守在任清潔兒妾食麥而已友人彭城劉溉溉弟洽縱助共爲山澤游及被代登舟止有米三斛旣至無衣鎮軍將軍沈約遺裙衫迎之重除吏部郎中參掌大選居職不稱尋轉御史中丞秘書監額前將軍自齊永元以來秘閣四部篇卷紛雜助手自歸校由是篇目定焉六年春出爲寧朔將軍新安太守在郡不事邊幅率然曳杖徒行邑郭民通詞訟者就路決焉爲政清省黎民便之視事暮歲卒於官舍時年四十九闔境痛惜百姓共立